



Via Grava 150 7031 Laax

## UORDEN DISCIPLINAR

### A En general

Intent	<b>Art. 1</b> Igl uorden disciplinar vala per tut las scolaras e tut ils scolars dallas scolas dalla vischnaunca da Laax. Ensemen cun igl uorden da scola segirescha el in menaschi da scola senza disturbi. El rugalescha las cumpetenzas dallas autoritads da scola e dils scolars sco era la procedura en cass da surpassaments dils scolars enviers la disciplina da scola.
Instrucziun, absenzas, congedis	<b>Art. 2</b> Ils temps da scola ein d'observar. Per absenzas, congedis ed extradadas dalla scola avon temps valan las prescripziuns digl uorden da scola e dalla lescha da scola dil cantun.

### B Disciplina en scola

Reglas da secuntener	<b>Art. 3</b> Scolars e scolasts han da secuntener vicendeivlamein a moda discreta e toleranta e cunzun tralaschar remarcas offendentas. Ils scolars sedeportan andantamein denter els, enviers scolasts, autoritads da scola e persunal da scola. Las directives dils scolasts, dallas autoritads da scola e dil persunal da scola ein d'observar. Els han d'evitar tut quei che disturba il menaschi da scola. Duront ils meins da scola dueigien ils affons esser sut la survegionza dils geniturs suenter las 21.00 uras temps d'unviern e suenter las 21.30 uras temps da stad.
Localitads, indrezs, urdeins	<b>Art. 4</b> Il reglament da casa ed uorden per il diever dallas localitads ed areal da scola ein d'observar. Il medem vala era per las directives dil persunal da scola. Ils scolars han d'haber quitau dils indrezs en las localitads e sils areals da scola, sco era dils urdeins e dil material da scola.
Via da scola	<b>Art. 5</b> Per ils scolars dil vitg ei il viadi a scola da far a pei. En cass motivai sa il cussegl da scola far excepziuns. Nua che la pusseivladad ei dada eisi da far diever dil bus regional.
Products da	<b>Art. 6</b> Mieds che donnegian la sanadad sco il fimar, il consum da bubrondas

consum, da luxus e mieds toxicogens      alcoholicas e prender drogas ei scumandau strictamein als scolars.

### C Puniziuns disciplinaras, cumpetenzas, procedura

- Art. 7**  
Cass disciplinaras, puniziuns disciplinaras      Surpassaments viers igl uorden disciplinar vegnan castigai cun reprimandas, lavurs per castitg, arrest ni cun ina lavur speciala sut survegionza. Duront igl arrest sto il scolar vegnir occupaus cun ina lavur significativa.  
Il cuoz maximal pigl arrest e per las lavurs specialas munta a 4 mezs dis.
- Art. 8**  
Cumpetenzas      Il scolast sa ordinar ina reprimanda a bucca ni a scret, lavurs per castitg ed in arrest tochen ad in mezs di.  
Il cussegl da scola sa ordinar tut las puniziuns disciplinaras.
- Art. 9**  
Constatar il causal, udida da dretg      Specia e circumstanzias dil surpassament disciplinar ein da sclarir. Il scolar ei da tedlar.  
En cass nua ch'in arrest survarga in mezs di ni ina lavur speciala sut survegionza statten en damonda, eis ei da tedlar ils geniturs resp. lur representants avon che prender ina decisiun. La decisiun ei da comunicar ad els a scret cun aschuntar ils motivs.
- Art. 10**  
Recuors      Encunter decisiuns da castitgs disciplinaras tras il scolast sa ei vegnir fatg recuors al cussegl da scola. Quel decida definitivamein.  
Encunter decisiuns ch'il cussegl da scola pren sco emprema istanza sa ei vegnir fatg recuors al departement d'educaziun.

### D Disposiziun finala

- Art. 11**  
Disposiziun finala      Quest uorden disciplinar ei vegnius approbaus dalla radunonza comunala dils ..... ed entra en vigur ils 1-1-1995. El remplazza igl uorden disciplinar dalla vischnaunca da Laax digl 1. da schaner 1985.

### **EN NUM DIL CUSSEGL DA SCOLA**

Il president:

Fridolin Caviezel

Igl actuar:

Robert Arpagaus

### **EN NUM DALLA VISCHNAUNCA**

Il president:

Vitus Dermont

Il scarvon:

Augustin Killias

## **Reglament da casa**

- Art. 1** En casa da scola duei reger schubradad, uorden, buna disciplina e ruas.
- Art. 2** Tuts scolars han da purtar scalfins en las localitads da scola. Per motiv da segirtad san ins trer en calzers el luvratori.
- Art. 3** Scadin scolar ha d'haver quitaü ch'il mobiliar da scola vegni buca demolius ni donnegiaus.  
Il scolar ha quitaü da cudischs e material che vegn mess ad el a disposiziun dalla scola.  
Scadin donn caschunaus da bugen vid mobillas, indrezs, escha, finiastras ni material da scola etc. sto vegnir indemnisaus dils geniturs ni digl ugau digl affon.

- Art. 4** Ils scolars astgan entrar en scola pér cura ch'ei scalina. Medemamein han els da bandunar la casa da scola scochemai che l'instrucziun ei finida. Duront la pausa setegnan ils scolars si sin la piazza da scola e buc els zulers ni stanzas da scola. Excepziuns sa il scolast ordinar.
- Art. 5** Duront l'instrucziun astga buc vegnir fatg canera sin la piazza da scola ed els zulers. Duront la pausa han ils scolars da suandar las cunzinas dalla survigilanza da pausa. Negin astga bandunar il plaz da scola senza lubientscha.  
Specialmein ei scumandau:
- trer bottas, tocca da glatsch, glera, crappa etc.
  - purtar e manipular utensils prigus sco armas, cuntials etc.
  - dad ir per las stizuns, kiosks ed el bogn cuvretg Grava per cumprar il da pausa.
- Art. 6** Ils scolars han da respectar las ordras dil pedel en casa e sin la piazza da scola.
- Art. 7** Artechels da quei reglament da casa san vegnir remplazzai sch'ei survescha agl intent ed interess dalla scola. Quellas midadas san mo vegnir fatgas cun il consentiment dil cussegl da scola.
- Art. 8** Sin la piazza da scola sco era duront occurrenzas da scola (excursiuns, viadis, occurrenzas da sport e camps) ei il **posses** ed il **consum** dad alcohol, cigarettas e drogas scumandaus.
- Art. 9** Ils scolastAs prelegian als scolars quei reglament da casa mintgamai all'entschatta digl onn da scola